

Publication/Creation

July 1953

Persistent URL

<https://wellcomecollection.org/works/w5gyxy3e>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

nomina dant Chirurgis regijs, nomina sic data commendantur regiæ Maieſtati, eius MAIEſTAS tempus operationi futuræ deſtinat, locumque orationis publicum deſignat, ipſi morbidi coram eius Maieſtate ſiſtuntur, Chirurghi tamen data opera cauent ex inſpectione oris & corporis, vt vera ſit ſtruma; ne qua impoſtura fallacium oriatur, deinde ſi obſcænitatis quippiam appareat, ex eruptione purulenta in pectus & guttur iterum cauent, vt emplastro aliquo obtegatur ad turpitudinem vitandam congruentiore, ad morbum proſtigandum nulla ratione conueniente, totius enim morbi medela eſt penes MAIEſTATEM Regiam, medicorum ac chirurgorum opera nulla eſt, ac ne requiritur quidem. Certus autem dies non vt ſacrificij ſic & auxilij huius expectari ſolet, operiuntur illi ſanandi potiùs diem, cum princeps vel ſabbato ſanet, vel extra ſabbatum quacunque feria, fere in ſabbato noſtro, id eſt, die dominica, & interdum in feſto, ac ſolennitate memoriæ Chriſti, Apoſtolorumue ſanitates operatur, non ſine ductu diuini numinis, non ſine fœlicitate regij nominis. Vnum hoc reticèri non debet, tempore quidem præcationum communium ac in Liturgiæ recitatione ſemper tranſigi hoc curationis negotium. Publicæ igitur concipiuntur preces a miniſtris regiæ maieſtatis Capellanis, MAIEſTATE eius ad illas preces regio cum apparatu procedente, comitantibus nobilibus,

bus, ſtipantibus cateruis, inſpectantibus hominibus & Angelis: ordinarijs precibus cum Epiſtolæ & Euangelij lectione peractis, ſiſtuntur omnes a Chirurgis regijs in præſentia Regiæ, ad cuius genua aduoluti fide & oratione feruentes opem & auxilium præſtolantur: Tum exordiantur Euangelij lectionem ex illo vltimo capite Sancti Marci verſu 14. *Neuiſſime autem recumbentibus illis undecim apparuit & exprobrauit incredulitatem eorum, & duritiem cordis, quia iſs qui viderant eum, reſurrexiſſe non crediderunt, & dixit eis euntes in vniuerſum mundum prædicare euangelium omni creatura, qui crediderit & baptizatus fuerit ſalvus erit, qui non crediderit condemnabitur, ſigna autem eos qui crediderint hæc ſequentur, in nomine meo demonia ejicient, linguis loquentur nouis, ſerpentes tollent, & ſi mortiferum quid biberint, non eis nocet, ſupra ægros manus imponent & bene habebunt.* Ad illa verba cum ventum eſt, ſereniſſima eius MAIEſTAS ægris, & ſtrumam patientibus vtrinque manus imponit, ſiue maxillis, ſiue gutturi, ſiue loco affecto, & nudis manibus tangit morbidas partes, quas deinceps ſanatur: quibus partibus ſacraſſimis eius manibus tactis illi ſtrumofi paulum recedunt, tantisper dum aliæ ceremoniæ complendæ ſunt: & tum quod reliquum eſt Euangelij legitur: *Et Dominus Ieſus poſtquam loquutus eſt eis, aſſumptus eſt in cælum, & ſedit a dextris Dei, illi autem proſecti prædicauerunt, ubiq; Domino cooperante, & ſermonem confirmante*